

– Հայրս պատողիրել է ինձ, երբ գիշերով հեռու տեղ ես գնում, պետք է միշտ զենք ունենաս:

Ճանապարհին ես Մարտից հարցրի, թե որպե՞ս նա կարողացաւ ճանաչել ծպտեալ «ճգնաւորին»:

– Սկզբում ես չկարողացայ ճանաչել, երբ տեսայ նրան «Կաթնաղբիւրի» ձորում, – պատասխանեց նա: – Թշուառականը մի այնպիսի մօրուք եւ ծամեր էր շինել, որ ինքը սատանան չէր կարող հնարել, երբ կամենում է ծերի կերպարանք ընդունել: Երեսը ներկել էր եւ պառաւի գոյն էր տոել, մինչեւ անգամ խորշումներ կային: Բայց աչքերը մնացել էին անփոփոխ: Ո՞վ չէ կարող ճանաչել Ասլանի գեղեցիկ աչքերը, եթէ մի անգամ տեսել է նրան:

– Բայց ո՞ր դէւը բերեց քեզ այնտեղ, «Կաթնաղբիւրի» ձորում:

Մարոն բոլորովին անկեղծաբար խոստովանեց, թէ նա հէնց այնօր տիրամօր տաճարի մէջ նկատել էր, երբ Սօսան մօտեցաւ եւ շնջաց իմ ականջիս, նշանակելով տեսութիւն «Կաթնաղբիւրի» ձորում. թէ այն շշունջը ծնուցել էր նրա սրտում կասկած եւ նախանձ... Եւ ինքը չկարողացաւ համբերել, եկաւ այնտեղ...

– Եւ քո կասկածանքը փարատեցաւ՞, – հարցրի ես, երբ նա վերջացրուց իր խօսքը:

– Դեռ ոչ բոլորովին...: Բայց ինձ համար միեւնոյն է...: Սօսան լաւ աղջիկ է... ես սիրում եմ նրան... դու էլ պետք է սիրես...

Այս խօսքերը Մարոն արտասանեց կտրատելով, կարծես, նրա լեզուն այրում էին: Բայց նա մեղաւոր չէր, նախանձը տիրում է բոլոր կենդանիների սրտին, որոնց մէջ զգացմունք կայ:

Հեռոյց այժմ ավելի պարզ լսելի եղաւ «ճգնաւորի» երգի ձայնը :

– Այս կողմով գնանք, – ասաց Մարոն, նրան կը գտնենք այն լեռների մէջ:

## ԼԹ. ԾԱԾԿԱՄԻՏ ԱՍԼԱՆԸ ԲԱՅԻՌԻՄ Է

Մենք գտանք «ճգնաւորին» վանքից բաւականին հեռու, լեռների մէջ, որ մօտ էին ծովեզրին: Նա նստած էր մի քարանձաւի մէջ, որի մուտքը նայում էր դեպի Լիմ անապատը: Լուսաւորած լուսնի արծաթափայլ շողքերով, այդ փոքրիկ կղզին երեւում էր ծովակի մէջ մի մռայլ բծի նման: Քարանձաւը, որի մէջ գտանք «ճգնաւորին», մի հին միայնակեացի բնակարան էր, որի յատակի վրայ դեռ մնացած փոսիկների մասին տակաւին կային կենդանի